

呂祖修真秘訣

風陵文庫

文庫19

F 289

2



同善堂

# 修真秘訣

積善齋

修真秘訣賦序

從來修道者。始於廣成。而授軒轅。而其後脈脈相傳。遂至今而  
不息。有拔宅飛昇者。有留形住世者。有顯身說法者。等等不一。  
而其間。留下道詞。道詩。道歌。道賦。要無不盡闡其真。以開後覺。  
今潞河鄧子雪中等。素精性命之學。竊恐真仙道法。代遠年湮。  
幾就泯滅。故將

純陽帝君呂祖。所著修真秘訣一書。集眾捐資。刊板印送。俾得垂  
諸來茲。予統觀大旨。均是默運造化。竊取陰陽之功。卽隻字片  
言。罔非妙訣。立機。倘後世學道者。緣詞會意。得意入神。頓超於  
形跡筆墨之外。由淺達深。因顯揭隱。再加陰陽種種。以

修真秘訣賦序

卷上序

醉仙亭



之授則是書詎等閒哉。  
丹陽道人序於醉仙亭中

修真祕訣目錄

純陽帝君呂祖著

賦類計十三段

謁師指玄以題為韻

修補丹房以題為韻

鉛汞共調以題為韻

黃婆調和以題為韻

吞服金丹以題為韻

陰陽同體以金丹為韻

造化陰陽以題為韻

修真祕訣目錄

卷上目錄

醉仙亭



闢破傍門

以題爲韻

還丹疑結

以題爲韻

指玄賦

以玄關一竅爲韻

煉丹賦

修真賦

逍遙賦

詩

類計一百零一首

指玄詩

七言八句

計三十二首

醒眼詩

七言八句

計三十二首

修真詩

七言四句

計十六首

迴文詩

七言八句

計九首

迴文詩

七言四句

計九首

演道詩

五言八句

計二首

五言古

計一首

詞

類計一百一十六首

西江月

計十八首

沁園春

四曲

水調歌頭

四曲

四邊靜

四曲

鷓鴣天

五曲

修真祕訣目錄

卷上目錄

醉仙亭

二



五供養 四曲

夢江南 四曲

漁父詞 十曲

水龍吟 一曲

滿庭芳 二曲

一翦梅 二曲

山坡羊 二曲

念奴嬌 一曲

阮郎歸 一曲

木蘭花 一曲

菊花新 一曲

卜算子 一曲

行香子 一曲

洞天春 四曲

元關竅 四曲

大金丹 四曲

採藥材 四曲

暢道詞 四首

勸道詞 四首

問道詞 四首



學道詞 四首

勉學詞 四首

道情詞 二首

悟道歌 二首

修道歌 二首

勸道歌 二首

六賊歌 六首

醉仙亭

劉鋈 劉重雲

李廷桂 李文純 恭較

呂鴻達 道鉞

修真祕訣

純陽帝君呂祖著

道 賦 計十三段

謁師指玄 以題為韻

粵惟洪鐘不叩無以開下士之聽聞真師未逢不足為顓蒙之啓發啓戶直達天根枝葉全消開關立見月窟本源悉達矧儒教之高深實道語之恍惚果得元機暗點誠為上天之梯密訣隱傳自作渡河之筏縱會通未備不啻聖者清而聖者和若穎悟無遺居然九天騰而九淵入故仙人於五行四象之真半為洩藏而學者於先生長者之前速為拜謁於以知學須有本人貴得師測厥形

修真祕訣賦類

卷上

醉仙亭 一



踪不外虛無寂滅之旨。窺其造化。只是顛倒配合之時。如崗之在山。高不可及。如淵之在地。深且無涯。苟非培植三生。值澎湃碎骨。當望洋而驚阻。若能明通一點。遇杳冥幻眇。定履險而如夷。雖水火調和。窺得空中之色。而陰陽交媾。會夫偶內之奇。情感而通躍。淵者魚著在此。心孚亦洽。戾天者鳶現於斯。道揭有形之外。心通無象之爲。玉振金聲。集大成者。已獨垂於千古。大鳴小叩。分餘響者。亦昭示乎來茲。究之有追維者。而恍接光儀。獲誦法者。則如覩示指。從遊宛在。既切切焉於追思。仰之彌高。惟苦苦焉以用意。振聾啓瞶。方破其盲。鍼頑砭愚。似醒其醉。察察莫名。昭昭無暨。夫然後始知其妙。始曉其玄。言其大者。宇宙所不能包。廣而愈廣。言其

深者。滄海且嫌其小。淵而彌淵。辛勤考究。仔細鑽研。刮垢磨光。全憑玉液之水。洗心滌慮。每恃華池之泉。從此成仙作佛。自是益壽延年。更何有塵緣作障。奚慮乎俗事爲纏。

修補丹房 以題爲韻

欲求先天妙道。先除一己贅疣。後天培養。本是築基之本。色身堅強。輒算煉己之由。功行雖曰薄微。心裏隨時積累。塵緣縱屬太重。筆頭逐處消勾。趨吉避凶。進步無非生路。遠禍取福。挺身定卻死因。酌酒吟詩。早除平干條智慮。依松對竹。適泯乎百種機謀。恍恍惚惚。神入崑崙之頂。杳杳冥冥。身到希夷之樓。仙佛竅中。搜尋天地根際。聖賢窟裏。採取造化源頭。毀智黜聰。而探奧訣。韜明養晦。



以濟真修。從此知煉道者。假情制性。不啻樹衰土培。借陽點陰。渾如衣破布補。水火相調之候。無我無人。動靜如一之時。莫聞莫睹。由昧而明。實蒙天地之鴻恩。自迷而醒。乃感祖宗之厚德。無質生質。氣煉黃庭。無形生形。神遊紫府。食交梨而燕火棗。那怕阻路之毒龍。擒玉兔而捉金蟾。何虞當道之餓虎。鑽入鴻濛竅內。急收攔玕。尋在混沌穴中。速飲鐘乳。採藥物於無聲無臭之鄉。行火候於無知無識之地。最忌時涉因循。惟期日進鼓舞。夫乃知元始宮中。盜取返魂之酒。太乙爐內。竊服不老之丹。天地配乎兩層。以鉛投汞而交媾。陰陽調乎四箇。走聖飛靈以相團。以人事而括天機。隱隱間精神結聚。借世法而修道法。默默中內外凝搏。位天地而統陰陽。神妙莫測。運五行而育萬物。變化無端。陽宜進。陰宜退。全恃心中密察。有欲竅。無欲妙。但憑意裏詳觀。至至誠誠。煉功時潛分真偽。專專切切。結胎日暗謹溫寒。果爾則仙佛之根株。休云忽落於形象。聖賢之理脈。漫道偶墮於空亡。返本歸源。卽獲復元之藥。迴光返照。自餐續命之湯。非色非空。妄情化而真情出現。勿忘勿助。氣性滅而靈性常彰。圓陀陀而光灼灼。不減不增。淨裸裸而赤洒洒。無所無方。更何憂。日夜斲喪。而三寶滅。復奚慮。內外敗壞。而五賊殃。後天已返先天。永世不墮地獄。凡境適造仙境。倏忽直入天堂。

鉛汞共調 以題爲韻

修真秘訣賦類

卷上

醉仙亭 三



從來鉛之賴以養者。每在乎汞。汞之賴以制者。卻在乎鉛。汞以養鉛之間。渾如性去求。而情來伏。鉛以制汞之下。不啻情來歸。而性不遷。眞知統乎靈知。朝夕煅煉。靈知育乎眞知。晝夜磨研。細認溫寒顛倒者。翻乎子午。詳觀進退。交泰者。配乎地天。常靜常應。神通每見其廣大。常應常靜。智慧適覺。夫無邊。潛躍無不由心。至中至正。曲直卽能應物。不倚不偏。特迷之者。咫尺如隔萬里。而悟之者。剎那乃在當前。言語相通之時。方成眷屬。功夫並到之候。適著方圓。然憑依者。借太空之眞氣。而爲金鉛。攝偃月之靈光。以乾木汞。仙佛事歸一榜。分陰分陽。聖賢理本同源。有靜有動。若逆施順用。便屬清明。如執象泥文。總歸朦朧。假不出於眞之內。歎閉息者徒

守丹田。眞卽在於假之中。悲坐禪者。難開眼孔。明師原是生身之父。當謁規條。妙訣不出極樂之城。實環帡幪。要之運行造化之理。陰陽兩交。維持性命之原。水火相共。卽則應而觸則動。不卽還要。不離內無心。而外無身。有體更兼有用。打破混沌。務要鄭重而欽崇。跳入虛空。休教輕忽而放縱。念念歸誠。戒懼酒飲先天。時時返照。慇懃衣服無縫。達士因時採撷。定獲一點眞靈。庸愚任意搜羅。只是八卦錯綜。无咎无譽。海濱波上奪仙籌。不識不知。無色界裏收眞種。惟然所宜。一龜一蛇。彼此一致。一龍一虎。爾我同調。百神貫通。月華凝而日精現。五行混合。天星應而地海潮。有無不立之時。至精至粹。天地歸空之處。匪近匪遙。遇物生心。運用先天之火。修真祕訣賦類



候。見景下手採取無象之藥苗。奮大用而發大機。不沾不著。值真情而露真意。不動不搖。從此酒色財氣悉除。頓離苦海。自是恩愛情慾皆斷。直步仙橋。

黃婆調和 以題爲韻

通達幽明。書早讀乎內紫。和諧鉛汞。酒乃飲乎中黃。取坎填離。消除萬般渣滓。出日入月。返迴一點真陽。祖祖相傳。默授先天之訣。燈燈共續。隱括玄機之方。若是一念不起。頓超喜怒哀樂之境。果能萬緣莫生。直脫富貴利名之鄉。渾如松柏參乎中天。深藏密徑。不啻煙霞遶乎半嶺。暗鎖仙莊。採牟尼之寶。實裝兩袖。取瑪瑙之石。確盛一筐。非比傍門者。術效閨丹。卻悖真常之道。豈同左道者。

學宗寂滅。致乖大法之章。詢諸命寶之根源。甚地落的。叩訪性宗之究竟。何處羅藏。究之木母金公。本借奈河昭嘯。嬰兒姤女。全憑苦海上娑婆。先後二天。窺其旨者。須在月窟。內外五行。達厥源者。豈離雲窩。糊糊塗塗。足生蓮花。猶屬謬。清清醒醒。身履邪徑。亦不訛。要上仙階。從此急逃孽境。欲修妙道。自是免墮塵珂。至聖至神。斬身中之恩愛。至剛至健。滅世上之罟羅。若知回頭。彼岸卽堪立到。如下苦志。福地豈至虛過。推後轉前。羊腸路上。分勝負。搬下運上。角勝場中。逞干戈。於以知。鑽入理窩。一鸞一鳳。爲至契。打開元牝。一琴一瑟。定相調。烏龜搖頭。隨時採取。延年之妙藥。赤蛇擺尾。逐日栽培。寶地之靈苗。晝夜辛勤。身握一條拄杖。朝夕謹慎。擔



懸半片木瓢。八八青龍縱之者。鬼窟常入。七七白虎伏之者。聖域立超。三星致詞。僅向平身以對。五老見面。只是一語而招。感而遂通。時值乎春江綠浪。寂然不動。際遇乎晦海紅潮。人心死而道心存。無聲無臭。俗緣斷而仙緣結。不動不搖。七寶林中出入。隨君自在。五行山下來往。任彼逍遙。如是乃能步廣寒而嚼馥郁。卧兜率以養太和。有象之中尋無象。潛育玉狗。色身以內覓真身。默鞠金鵝。烹白雪之茶。好味無盡。飲玉液之酒。嘉會適多。高興時太虛空中參元始。厭煩處無影山上拜古陀。救困扶危。作種種之功行。防微杜漸。削累累之障魔。

吞服金丹

以題爲韻

嘗思已動者生機。自見真機之暗著。方萌者靈藥。乃獲妙藥之潛吞。委志虛無。夢遊黃庭之院。丹功默運。神入赤色之門。玉液瓊漿。飲之者醺醺醉醉。龍肝鳳髓。喫之者沈沈昏昏。金情戀木。慈仁原是凶中之吉。木性愛金。順義實屬害裏之恩。五行真玄。總是虛空內托。三元密寶。實非臟腑中存。乾龍所居之竅。名爲鴻濛妙竅。坤馬所寓之村。號作太和仙村。柔以用功。克己者乃能復理。剛以固志。返本者自克還源。五蘊盡生。務要悉空其蘊。六根俱發。惟期盡滅其根。若然則七十二家爐火之事。底於是者。定許左道消除。三千六百淫邪之功。悔其非者。當必傍門歸服。兩句話語醒悟。便可登聖基。些小功夫黽勉。輒堪超凡族。壹志詳觀。仙果迴殊草子。精



心細認珍珠絕異魚目。以真知而制靈知。靈知罔慮遷飛。以靈知而養真知。真知實得收復。超凡而幻身解釋。天地兩兩欽崇。入聖而法身超昇。神鬼默默號哭。要其間內外和諧。適飲華池神水。夫婦配偶。旋到祇園佛林。直奮神功。取彼坎中之陽。倏回法寶。點我離內之陰。妙有而含真空。片餉而天關在手。真空而含妙有。俄頃而地軸由心。正氣漸生。不制而歸自然之制。陽光既現。不擒而底自然之擒。推行存乎圓通。諸緣不挂。裁成存乎變化。萬有無侵。鉛非腎中之陰精。須從水中撈月。汞豈心內之血液。乃自砂裏淘金。要之。諸般不牽。歸正覺照。一念不雜。了大還丹。不睹不聞。聖胎結而火候有準。無形無迹。災害消而鼎爐重安。忙裏修補。有漏之因。

結成好果。閒處施捨不老之藥。攢簇蜜丸。至是萬物不移。隨歲月而瀟灑。從此造化不囿。覺天地之閒寬。

陰陽同體 以金丹爲韻

溯一畫而開於天。鴻濛初闢。啓先天而名曰道。混沌堪尋。上德者無作無爲。消除矯揉之力。下德者有還。有返。參考動靜之謔。造端始於夫妻。效法乎日月。運用同於天地。洞曉乎陽陰。意會言外之意。心契道中之心。顛倒乾坤。默翻身內之子午。迭爲賓主。潛易法裏之浮沈。如引鳳者。適敲靈竹。若換龜者。動鼓瑤琴。紅潮晦海。杳冥間傳來春信。綠漲新江。恍惚際寄送元音。五行四象。揅其柄者。總歸於土。八卦九宮。握其要者。不離此王。下手時。方諸水中撈月。



得藥候譬彼沙裏淘金。然既講乎密訣。卽早煉乎還丹。有進有退。有拙有添。同聲者同氣相求。調和鼎鼐。同德者同力並濟。謹慎溫寒。三家並會。一氣早還。克保克翼。其慎其難。龍居虎位。喜金鉛之有注。虎會龍宮。知木汞之早乾。真乃吐老莊之腑肺。實屬露伯陽之心肝。三華簇聚。五氣朝攢。內外功夫。人當懋學。夙夜訓迪。仙自心殫。

造化陰陽 以題爲韻

考最上一乘之理。盡是玄機。還丹七返之名。別有大造奇奇幻幻。講論者總屬葉枝。杳杳冥冥。解釋者乃爲橐籥。心圓對乎鏡圓。志浩達乎氣浩。益壽延年。返老爲少。六甲週天。到凶時。三更出日。爲

吉兆。傍門曲徑。向四大而泛圖。密訣眞言。只一點而括要。丙叟說和返彼先天。黃婆勾引。觀此妙竅。然此是教外之別傳也。測其端倪。入於混化。推猜無邊。追尋莫罅。至近而本至遠。載破鮮能。愈顯而卻愈微。包藏悉洽。以道全形。是堅基。以術延命。爲大法。會悟順逆之說。沐害中之恩。明白顛倒之機。慎生裏之殺。到此須以情而制性。要以陽而點陰。非同採戰欺人。難免火生於木。實乃混鎔煉己。當必水平於金。陽宜進而陰宜退。樞機隱密。壬爲眞而癸爲假。旨趣淵深。若戴花若飲酒。須敲竹須鼓琴。色而不色。色在空中。諮訪空而不空。空在色內。搜尋鳶飛魚躍。觀夫妙趣。虎嘯龍吟。暢厥懷襟。消除毫髮之俗染。掃拂纖絲之塵侵。結同心者爲同伴。幸知



法者作知音。要之至大至剛。總是流行之一氣。無形無象。無非燦  
耀之真陽。採修長生之藥。學煉不老之方。樹焦原有土培。默得栽  
接之術。人衰須假氣煉。潛服還返之湯。藥物判乎老嫩。功夫曉此  
柔剛。渣滓者都是後天之質。精玄者誠屬先天之漿。面目全乎本  
來之面目。天良返乎固有之天良。推開情枷愛鎖。斬斷利網名韁。  
適乘般若之舟。而出苦海。永濟成康之域。而步天堂。從此不墮五  
行之中。定迷迷陣。自斯早脫三界之外。直達仙鄉。

闢破傍門 以題爲韻

從來正法眼藏。會悟者須於混沌初開。涅槃妙心。明通者更於鴻  
濛乍闢。最嘆貪閒畏苦之子。妄想仙家妙方。實憐有己無人之傳。

悞思道祖法脈。紛紛亂亂。不啻俗侵於懷。昏昏沈沈。恰比塵起於  
隙。竟將子午爲龍虎。是假非真。直把心腎作坎離。有損無益。金公  
木母。原是煙霞友朋。蛇女嬰兒。本屬日月魂魄。至簡至易。糊塗子  
本隔天淵。至虛至靈。聰慧人實悟咫尺。口鼻擬爲玄牝。徒費躊躇。  
臍腹指爲黃庭。罔事考覈。所貴將龜蛇烏兔等寓意。盡行消除。鉛  
汞砂銀諸比詞。徹底參破。到此始知聖道精奧。俗語常言。至是方  
曉仙機密深。日用夜作。一身上下。不識真者。皆趨於邪。萬般情形。  
莫達妙者。實致於左。開關斬竅。向自身而弄是非。絕粒休妻。上空  
山而守饑餓。雖云少年強壯。煉還丹者。曾有何人。矧在老邁。疴羸。  
得真訣者。更有幾箇。不料假託學道者。內則貪瞋癡愛。耗其真。以



識神而爲主宰。外則酒色財氣迷其性。以濁氣而爲藥王。六慾七情。累是愆而莫得超脫。三毒四智。遭是病而終底滅亡。四會宮中。竟驕恣而罔禁。十字路上。偏浪蕩以非常。推之真情發煥之餘。分毫不曉。彼夫元神表著之處。絲髮沒詳。勁令邪氛生滋。卽是苦海。漫俾正氣振發。怎上天堂。彷彿邪說誣人。何等悖謬。效法楊墨叛道。豈非曲傍。若是終日昧昧茫茫。誰知妙竅。隨時悠悠忽忽。疇入玄門。倘若倏爾清醒。卽如放豚之入筵。若要仍然迷癡。甯非羝羊之觸藩。隨世俗而往來。戕賊性命。逐波浪以汨沒。喪失根源。生在人間。每爲陰陽所規弄。處在世上。恒爲造化所籠樊。置道法而憚高修。卻略求珠罔象。圖供養而累賵債。適昧落花無言。

還丹疑結 以題爲韻

嘗思已去而復返者。原謂之返。已失而又還者。卽謂之還。返者。返其乾元面目。還者。還其固有容顏。渾如煮黍米粥。食在威音之國。不啻整黃花菜。採入眾妙之關。鏤錫劍。飛在空中。非同小可。金剛杵。壓於頂上。夫豈等閒。口口相傳。一字訣。禁住洞天雨露。心心相印。兩刃斧。破開福地瑯環。若到佛家祇園林。便沐菩提之澤。如飲仙域華池水。旋登人我之山。入玄牝門。捋金花而戴頭上。得皈依路。取玉環而懸腰間。潑潑活活。豈是專學寂滅。脫脫洒洒。非同第法空頑。何則。蓋太極本歸圓覺。至誠卽是金丹。四箇陰陽。須審真假之區別。兩段修果。要詳後先之簇攢。至聖至神。深造者終開智。修真秘訣賦類

卷上



慧。細參細會。專心者定。破疑團。叩戊己門。早闢龜蛇之竅。入生殺  
舍。急步龍虎之壇。濟封總要。固牢攝取。真金水液。屯蒙分乎朝暮。  
齧破生鐵石丸。深觀造化真機。窺測罔極。洞察陰陽妙竅。循環無  
端。塞艮開坤。他家之金鉛急攝。填離取坎。我室之木汞傾乾。玉液  
瓊漿。生死關中立飲。交梨火棗。陰陽竅裏旋餐。從此見。隨風揚波  
之間。三華永聚。遇景生情之際。五氣常凝。煉就金剛不壞之身。日  
月爲侶。認得圓滿無虧之物。煙霞作朋。藥物斤兩相當。認際專心  
懍懍。火候始終全備。進時至意兢兢。知吉知凶。原隨處而致謹。有  
加有減。乃適分而相稱。凡胎脫去。聖胎牢。成仙有分。後天消盡。先  
天現作。佛堪能。至無而含。至有卽隱。卽顯。至虛而含。至實。不減不

增。取其氣不取其質。隨心變化。了乎性。兼了乎命。如意飛騰。溫養  
十月以來。法身定就。哺乳三年而後。聖域直登。究之躋道岸者。原  
味香氣。非同學僧禪者。終歸泯滅。斬藤蘿而消荆棘。千般不思。滅  
葛藟而脫絆纏。萬景悉絕。逆探者。免髓八兩。勿助勿忘。盜取者。烏  
肝半斤。無漏無泄。借氣化質。還彼坤之六虛。扶陽抑陰。補我乾之  
一缺。特著顯晦。大智而實若愚。默運行藏。大巧而卻若拙。歸根復  
命。遨遊混沌之鄉。返本還源。鑿破鴻濛之穴。性情相戀之際。表裏  
豁明。陰陽交媾之餘。始終通徹。鸞飛鳳舞。天緣與人緣共修。虎嘯  
龍吟。內藥合外藥同結。

指玄賦 以玄關一竅爲韻



溯機緘之渾然妙乎其妙。參卦象於偶爾。玄之又玄。仰冲漠而無  
臭無聲。非屬差謬。見虛無而不知不識。總歸真詮。至簡而實至精。  
有象者混始夫無象。有體而兼有用。後天者別寓乎先天。卧虎藏  
龍。烹煎全在爐鼎。出日入月。操存只在坤乾。尋追罔既。窺測無邊。  
然欲希夫大法。必須扣此玄關。深淵罕測。洞虛誰攀。迴絕俗世。超  
脫塵寰。登臨而近聖域。仰觀而覲天顏。凡夫到此。而成罟陷之地。  
至人值斯。而變翡翠之山。舉步蓮花。心心相印。回頭苦海。事事都  
刪。要之所謂先天者。如卵之未破。噩噩渾渾。如花之未開。包包蘊  
蘊。如琴之未鼓。而絃絃備陳。如車之未行。而輪轂悉具。如魄之已  
虧。無影。而山河卻本涵三。如冶之未鎔。無形。而金錫混於太一。所

煉丹賦

謂後天者。追其原則。有造有化。乃係出於洪鑪。參其本則。有始有  
初。惟啓夫乎妙竅。如太樸之洩。其包括顯露。夫端倪。如無極之落  
於象儀。明示其朕兆。火分文武。煉九轉之丹。天判後先。團七返之  
藥。非比夫先天者。無法無傳。特著夫後天者。有名有號。十月胎元  
神有功。九載願滿。天有詔。直達仙鄉。殿宇居。免在人間。精氣耗。

參伯陽之心肝。味老莊之趣旨。惟修行之能勤。信超脫之足恃。真  
咽喉裏。深徹悟。甲周一天。大關口中。細推求。庚出三日。豈肯昧昧  
遭凶險。理詎背夫中黃。必將電運宏猷。行特明其潔履。借法修  
法。咸與維新。執柯伐柯。視其所以。原夫至寶之求。其成也。若曉根  
修真祕訣賦類



由。須鼓神志。聖胎從此煅煉。雄裏懷雌。金丹自斯煎烹。虛中有實。包藏造化。本屬幽深。蘊育機關。原爲隱密。煉已功深。築道之基。周天火候。知風之自。若夫一已。雖屬缺陷。他家定有彌陀。出浮漚而破混沌。極綢繆而度娑婆。內外交修。洵有爲而有作。性情共濟。亦無偏而無頗。收回寶光。不外生死之竅。消除渣質。定在安樂之窩。方諸太璞之不完。取磋取礪。等彼圭璋之特達。如琢如磨。於以知。若砥石者。取其平均。若鍛鋒者。致其剛銳。滌瑕盪穢。操持總在一心。刮垢磨光。魔障適經百試。比水火之就煉。慎溫慎寒。擬金玉之致攻。再接再礪。惟修行者。須惕之艱。勿視之易。運用順逆。惟要範防。顛倒抽添。何敢放肆。塵根泯滅。無不宜。法身飛昇。亦可使。蓋其

修真賦

媿修日積。踐履常貞。詰密以永。純粹以精。從是陰轉爲陽。豈日小補。定見凡超爲聖。謂之大成。陰盡陽純。團凝藥物。汞乾鉛撒。固結刀圭。打破虛空。地下黃泉。籍簿滅。脫離苦海。天上丹書。姓氏題。永超塵景。不墮恒溪。已臨乎仙境。詎浼於塗泥。彼夫堅操勁節。靜守苦寒。那曉四象之會合。誰知五行之簇攢。差之毫髮。謬於千般。未免傍門之亂法。何如大造之煉丹。

從來左道傍門。有爲而兼有守。玄機密訣。無臭而更無聲。煉已築基。判乎文武火候。全形延命。區乎進退功程。要天地以交媾。須坎離而配成。在塵出塵。塵裏不能滯染。對鏡無鏡。鏡中覺得澄清。總



以正而守國。卻以奇而用兵。有法有財。法財惟期兩濟。可經可權。經權適以並行。然首結內外之侶伴。再盡前後之修爲。服氣餐霞。皆身中之幻景。還源返本。乃象外之真知。顯迹露形。終當有患。安爐立鼎。適貴相宜。丹藥煉乎一身。學力休息。陰陽配乎兩箇。景況無涯。心若死灰。渣質消除於此日。形如枯木。真機表著於當時。究之若抽汞。若添鉛。無非會合彼此。若飲圭。若吞芝。只是顛倒雌雄。坎內之陽光收回。全憑採取。離內之陰氣點化。便得消融。孤修歸於一偏。天上空見月白。雙修原屬大法。潭底特著日紅。順逆分明。好下運用之力。清濁知曉。方用子午之功。春色添乎十分。卽天心潛爲發現。門庭進乎一步。正鉛華隱著流通。假若見一陽發動。須

急起而直追。忽三光返還。可牢封而固守。木雖柔弱。因堅金而歸有功。金原渾堅。緣烈火而底不朽。面目反其乾元。天良復其固有。幸吞黍米之珠。欣飲先天之酒。要奪造化。逞鵬飛萬里之能。縱判陰陽。豈邪行三峯之手。然其間恍惚之中。尋卻有象。杳冥之際。覓轉無形。叩元關而得先天祖氣。啓妙竅而取一點真靈。假實補虛。傾刻間。身登紫府。以陽點陰。倏忽際。足踏黃庭。至是。谷神養育。早了人事之修。丹室充盈。靜待天宮之詔。如雞之抱卵。不失其規。似蚌之含珠。不忘其竅。道功與世功兼修。內德合外德並到。嬰兒姤女待娉媒。木母金公聽呼號。真機活潑。似天之應星。浩氣流行。若海之潮藥。直採靈苗者。方諸升乎天階。妄行卦象者。譬彼入乎地。



窘。遵斯原屬正門。舍此便墮傍道。

逍遙賦 以遊閒爲韻

瀟瀟洒洒。樂樂悠悠。無是無非。而越歲月。隨時隨分。以度春秋。但尋龍虎。莫作馬牛。恩愛牽纏。渾如夢幻。妻財撞擾。當作魔頭。無轄無管。無惱無愁。終日裏。簞瓢赤手。信步閒過。府穿州。遇境結緣。打破迷魂之陣。逢場作戲。混和塵俗之儔。綠竹蒼松。爲好友。白鶴麋鹿。契同流。心中洞洞空空。一塵不染。象外清清淨淨。萬事都勾。六賊三尸。休教毫釐滋長。七情五蘊。漫令纖髮滯留。南方空虛。種得翡翠之樹。北地坎陷。踏破混沌之球。黃庭院裏。頻來往。紫府宮中。任遨遊。究之快快活活。清清閒閒。家當就於生死之竅。財寶取於人我之山。值王侯而笑傲。採丹藥而廻還。曉打於虛靈竅裏。夢醒於角勝界間。參禪打坐。原爲傍門左術。填離取坎。乃是至道元關。笑笑呵呵。醉卧洞天幻眇。顛顛倒倒。欣登福地瑯環。大海波中。買好緣。風寄五信。亂石堆上。尋美玉。月現一彎。打通了九竅。皆入。看破了萬類。都刪。



修真祕訣詩序

昔吾

純陽祖師作金丹要選之詩業已刊板而公諸宇內矣今更著  
修真祕訣詩詞歌賦數百首其詞雖淺其意極深惟期遠近諸  
賢有心出世者知性命大事卽在目前也奈何當日訪道者偏  
向深山古洞海角天涯抑何愚哉總因其根基淺緣分薄也故  
吾

祖師復降一格以比論此中盡是清描淡寫俗語庸詞要足以息  
邪說拒淫辭彼一切傍門左道咸闢明而規戒之俾有志斯道  
者庶識得邪正辨得假真不致向枝枝葉葉上行走矣

修真祕訣詩類

卷上序

醉仙亭

一



後學弟子李廷桂悟源謹序於同善堂中

修真祕訣

純陽帝君呂祖著

指玄詩

計三十二首

玄關祕竅

學仙總要學天仙。學得天仙便入玄。但要人間修至善。須於世外結深緣。明通妙法精微貫。悟徹元關性命研。卽此堪稱無二上。機緘顯露見真傳。

先天一氣

金丹不是等閒猜。靜待先天一點來。詎論賢愚家內有。無分貴賤體中栽。得從象外調神氣。收入腹間結聖胎。果曉黃婆勾引意。昏

修真祕訣詩類

卷上

醉仙亭

一



昏默默竟癡歎。

太極未判

當前大法要推求。太極圖間問厥由。混沌初分參旨趣。鴻濛乍判見丹頭。乘時採取爐中煉。處事消除象外籌。變化靈通無別樣。法身清淨脫幽囚。

直指先天

修仙只是煉先天。莫向環中以外研。無色無聲真造化。有形有相假機緣。試思妙理何時解。便得元關應候傳。敢道其間藏奧訣。依然打破此蹄筌。

鴻濛一竅

而今指破鴻濛竅。立鼎安爐尋妙藥。拴住青龍莫外遊。擒來白虎歸家嘯。華池玉液果探來。寶鼎金光方取到。萬慮心頭永滅踪。丹田溫暖嬰兒笑。

渾元一氣

渾然祖氣地天盈。悟此方堪到玉京。性地靈苗常養育。心天浩月永鮮明。七般離內爲陰質。一點坎中算至精。只此團成眞寶貝。三清殿上列仙名。

先天眞金

陽光一點要追尋。只是先天水裏金。玉液收回關死戶。玄丹煅煉見眞心。剛柔造就區丁癸。動靜調和會丙壬。火侯防危兼慮險。中



黃九五退羣陰。

性命雙修

性命雙修造化全。非同寂滅坐枯禪。坎男此日求真偶。離女當時結好緣。仰仗黃婆說合力。收歸土釜便持權。待夫十月胎圓滿。跳出樊籠上九天。

顛倒妙用

大道原來一點玄。黃金萬兩不輕傳。青龍乘火鉛歸汞。白虎騰波汞合鉛。離女爲夫顛亦倒。坎男作婦倒而顛。從斯便得靈丹結。直待功成上九天。

陰陽復姤

陰陽復姤少人知。符火煎烹正此時。打破禪關窺法象。明通真竅見牟尼。周旋日向虛空住。動靜時應寂默持。慮險防危勤沐浴。功成跨鶴宴瑤池。

煅煉鉛汞

學道無非煉汞鉛。須知二字是真傳。金烏心血當頭取。玉兔腦精對面研。坎內男兒名最妙。離中女子號稱玄。而今說破機關語。顛倒人間造化緣。

交媾陰陽

陽裏含陰陰裏陽。陰陽交媾入黃房。三家攢簇虛靈府。四象調和大藥王。滅去識神空世界。收回真宰上天堂。丹符朱篆來宣召。遺



得仙風萬古揚。

三家結聚

東室女兮西舍郎。黃婆說合兩相當。情來歸性栽培好。害裏藏恩  
匹配良。一竅打通歸戊己。三家聚結在中央。神胎十月凝而固。產  
個嬰兒駕鳳凰。

戊己之門

世間惟有道爲尊。只是推敲戊己門。默裏省躬斯德立。潛中克己  
此心存。三元會合團三寶。六道脫超斷六根。及早靜參天地理。源  
頭活水溯頭源。

土釜黃房

丹宮玉殿在何方。內蘊先天一點光。復氣歸根收土釜。全神朝祖  
到黃房。無中生有虛靈室。有裏化無混沌鄉。六洞塵囂都滅盡。玄  
機妙趣要參詳。

癸後鉛生

三十時辰兩日半。玄機祕語須深按。當前默默識壬生。以後遲遲  
應癸見。毫髮相差便入非。精微暗審方能辨。分清黃道露端倪。採  
取歸來不可亂。

藥苗新嫩

山頭月白藥苗新。過此新時便不真。皓兔精吞能益氣。烏龜血服  
自生神。震男乍飲壺中酒。兌女初遊洞裏春。但曉圭刀團大藥。丹  
修真祕訣詩類

卷上

醉仙亭 四



成九轉出迷津。

採取真精

打破迷團道自明。先天竅裏覓真精。須知二八和王丙。要曉三三煉甲庚。主作賓兮賓作主。情歸性也性求情。陰陽匹配憑媒娉。產箇嬰兒跨鶴行。

黃婆說合

彼此分離路隔遙。何由會通在伊朝。靈神默運陰魔滅。寶劍高懸孽障消。汞借鉛投原自結。情緣性引若相招。黃婆說合中央地。一竅通開萬穴朝。

水火調和

水降無虞火上升。調和土釜自交凝。機隨北斗靈樞轉。緒接東山大化興。但得身中真寶見。無欣世內假聲稱。還須爐鼎勤防範。晝夜操持永戰兢。

符火烹煎

應機調合刻傾功。十二時間半候中。立鼎安爐層次判。稱銖分兩策爻同。烹丹力量龜蛇結。煉藥工夫內外通。果爾火符歸一片。形神俱妙道無窮。

辨明真信

分明理妙倍機深。太乙元君念在心。駕鶴吹來無孔笛。騎牛撫去沒絃琴。靈光攝候防丁癸。紫氣收時合丙壬。霹靂一聲春信報。當



頭認得是知音。

運用火候

休將歲月日悠悠。煉道功夫仔細求。採藥應知分老嫩。還丹總要辨剛柔。當前運火區文武。以後結胎慎撤抽。漫令絲毫偏混亂。精微奧妙會當頭。

不死之方

造道根基不死方。精神貫串四陰陽。當中只假人相度。此外更無我遂償。美酒醞醕邀客飲。清花今古喜仙藏。西南笑指朋來處。怎奈包羅世罕詳。

求師授訣

求得明師口訣傳。精微火候要虛研。玄關打破擒朱汞。妙戶開開見白鉛。攝入黃房凝始氣。收歸紫府結初弦。聖功運用無差忒。脫卻凡軀上九天。

覓取丹材

修仙只要覓丹材。不覓丹材煉不來。共濟法財歸大用。同安爐鼎脫凡胎。誰能濁質身中化。自得靈根腹內栽。到是工夫原向上。方稱無忝此賢才。

法財兩用

箇中景象自盤桓。未得明通總欠安。若彼盈餘無肯借。憐子缺陷不曾完。有財無法財何用。有法無財法更難。果是法財能兩濟。同



安爐鼎煉金丹。

煉已功夫

須知修道有工夫。煉已爲先莫妄圖。萬事虛空操本性。六根清淨保真吾。塵囂漫入心思也。邪穢休侵念慮乎。但要如癡如醉漢。醺醺終日飲屠蘇。

妙藥醫老

樹老原來用土培。須知人老要醫哉。長生聖水吞宜急。起死靈丹服莫猜。氣爽神清能卻病。思忘慮絕定消災。休教賊子偷香去。聯步高登白玉臺。

鑄劍降魔

圍爐煉劍本師傳。鑄作青蛇妙入玄。萬里光芒精日月。千秋鋒利耀坤乾。騰騰殺氣原無鈍。默默通靈自有權。非鐵非鋼如意寶。除妖斬怪在當前。

靜養谷神

谷神靜養待何年。至至誠誠不變遷。洒洒瀟瀟渾化也。隨隨便便慶安然。心中天地無塵垢。意內夫妻有好緣。跳出樊籠千萬劫。逍遙物外大羅仙。

金丹成熟

金丹成熟火功收。打破虛空不等籌。富貴場中無事掛。功行簿上逐緣修。誰知海內春秋變。但令爐間水火周。竟待丹書來下界。翻

修真祕訣詩類

卷上

醉仙亭 七



身直上碧天遊。

醒眼詩 計三十二首

大道精微極隱幽。伊何會悟是丹頭。層層祕旨心中見。顆顆眞珠掌上浮。頓覺黃梁開寶舍。旋明白練煅金球。從斯取出波羅密。萬典千經一筆勾。

先天原自寓人身。天地根株此內眞。萬氣來朝歸氣海。千靈聚會入靈津。諸災衆難全消滅。累劫經生卻汨淪。輾轉輪迴無我到。紫清宮裏飲芳醕。

從來大道本渾圓。未判陰陽太極前。宥密精深原蘊地。玄靈浩渺卻潛天。通明法體歸無質。洞曉眞機乃象先。返照如何開黑暗。人

心清淨道心堅。

惟憑一氣默中烹。上下熏蒸晝夜行。海底玄珠隨日種。潭心寶月有時生。雷聲地震初陽動。雨澤天滋衆物成。血化白膏應在此。回風大洞紫霞清。

分明點破這因緣。怎奈世人會不全。覺海翻騰團玉液。丹池運用見靈泉。青龍直駕遊西畔。白虎應牽到左邊。丙叟往來非一日。蓮花朵朵放當前。

期將天鼓振羣聾。開闢鴻濛一氣融。現露三靈休視幻。輪迴萬劫盡歸空。天心透處光無際。地軸旋來法不窮。玉液初堅金液繼。功夫火候在其中。

修真祕訣詩類

卷上

醉仙亭 八



一氣原從一孔來。千端變化萬形猜。聽其對面盤旋也。審彼迎頭發煥哉。非真非幻鴻濛種。若有若無混沌裁。這箇端倪疇悟的。靈霄殿上任徘徊。

渾然無相並無形。便是先天火候青。默有操持原一氣。明教造化隔三星。全將黑室燈光照。自必黃梁夜夢醒。勸世精言藏妙旨。胸襟徹會卽黃庭。

分明道理見深淵。別有真機不易傳。兩界池邊嚴法象。三花樹下小神仙。神全方得延丹術。力弱難供沽酒錢。雖是常言妙緒語。須將意旨細鑽研。

誰曉塵寰造化窩。乾坤物理盡包羅。常將玉液其間煉。閒把金華此處磋。三姓調和終不散。五行攢結永無磨。丹成九轉飛昇去。始信神仙道不訛。

至理無非煉至神。渾元老祖坐玄津。金公跨虎傳靈信。木女騎龍轉法輪。六二二中藏好景。九三三內隱元真。這般妙竅誰能徹。便是蓬萊境上人。

道寓人中原作主。人中滲漏還須補。先天不與後天同。修命難云修性伍。妙祕方稱天地根。玄冥適作佛仙祖。靈根完具萬端除。溫養文兮烹用武。

立成仙佛語非誇。妄擬形聲路便差。一點靈光能自得。畢生大業又何加。重安爐鼎還尋我。默累功行自護他。直待天書來下詔。從



斯拔宅上天家。

誰能克究此玄冥。恐有邪精擾我形。若是魔軍侵紫府。全憑慧劍舞黃庭。驅妖啟障何堪緩。縛魅除殃莫事停。俾得嬰兒無害患。西天佛地取真經。

逐日奔馳不曉年。鴻濛竅裏醉酣眠。無聲曲內尋精祕。獨木橋邊覓奧玄。那管形形兼色色。誰知累累共纏纏。茫然踏破虛空界。直向人間了大緣。

內觀此心是若何。須知佛法本無多。香藏花裏叅非誤。月印江中悟不訛。聞見消時通旨趣。聰明杜去淨藤蘿。渾渾默默元神蘊。悟徹本來面古陀。

胸懷鎮靜自機忘。便曉長生大藥王。默運神功調水火。潛通靈氣轉陰陽。瓊蟾半夜銀天寫。黃鶴中宵寶鼎藏。若會本來真面目。乾坤未判認仙鄉。

盡把藤蘿筆下刪。惟求一竅此元關。修仙卽是修仙處。煉道原斯煉道間。遇景休教當面錯。無時但要此身閒。待當十月胎圓後。退隱藏龍卧虎山。

聖境廓開現閣樓。琪花珠寶在當頭。仙禽異獸飄奇彩。玉樹瓊枝著美休。外面諸般無妄取。中心一點却宜求。毫光五色充天地。化道祥雲宇內投。

全將世事一齊收。要緊玄關敢不求。景象莫教當面誤。機緣早向修真祕訣詩類

卷上

醉仙亭 十



此身籌。修行只覓菩提樹。檢點欣登般若舟。到得丹成功九九。心  
心相印在心頭。

學人到處訪明師。訪得明師大道知。桃塢瓊漿能解渴。靈池聖水  
可充飢。吞來腹內渾如醉。飲入口中恰似癡。赤子心思真面目。忘  
情少意更無知。

休因塵事累真修。祕語精微要細籌。想到元關方入妙。打開俗網  
豈無頭。丹房雖曰深深隱。心坎還須苦苦求。幾度凡夫常不醒。時  
看明月掛雙鉤。

認取中心一點陽。全憑運用引黃房。黑龜海裏如能伏。白兔天邊  
便可防。木女騎龍依左路。金公跨虎鎮西方。功夫九轉丹元就。慮  
險還須勿助忘。

修行第一立功行。立得功行大道成。默裏栽培天使祐。潛中造化  
地祇迎。通融日月陰陽理。混合夫妻子母精。兩意和同歸一處。無  
虞障累此間生。

行功作德總無窮。怎脫輪迴轉轉中。但曉修真看月白。須知煉性  
對花紅。龜蛇蟠結陰陽妬。烏兔交凝造化通。倘獲牟尼無價寶。桑  
田變海盡歸空。

呼童飲酒樂山巔。大醉狂歌任自然。以後光陰休在意。當前風月  
不須錢。銜杯固屬無人管。對景渾忘伴客眠。爲愛江湖遊處處。輕  
帆獨駕一慈船。



眞師傳我金丹訣。急向玄門探妙藥。入耳傾聽半夜雷。抬頭仰看三更月。隨時種得好黃芽。逐日收回精白雪。一口吞來結聖胎。嬰兒產箇能騎鶴。

元關本自啟當前。只要眞心便可傳。但曉人人皆有分。休云箇箇等無緣。何分貴賤和高下。那管智愚共否賢。一點靈光身內寓。虛衷苦志便能研。

山涯海角卽天家。靜肅無人避亂譁。洞裏陰陽藏美酒。壺中日月隱鮮花。修真每向花中好。養性原從酒裏嘉。花酒神仙今到古。古今一理本無差。

金丹問我是如何。非是空空日唱歌。嘆彼迷徒情最苦。鑒於智士計偏多。休教向外尋虛幻。只是從中養太和。性命雙修期兩盡。聲色色總歸訛。

彌陀卽在汝心頭。莫向深山古洞求。但要莊嚴生滅度。全消聲色見行修。拈花佛國奇緣遇。樹種仙園好景留。無字眞經從斯取。惟憑木母與金猴。

元始端居在玉清。莊嚴佛土寶光生。清虛廣漠虛無地。寂淡逍遙淡定程。自要窺瞻斯法界。人誰測度此蓬瀛。天間希有玄空所。靜待犁牛夜月耕。

修真詩 七言四句  
計十六首

金丹一粒腹中吞。靜裏操存不著痕。果爾仙緣能早結。元珠掛在



太陽門。

誰登彼岸入仙程。混沌七天死復生。曉得太虛真氣蘊。嬰兒獨抱在清明。

梅花數朶幾時開。鳥語春風到此來。曉得堂簾應倒捲。依然樹下樂徘徊。

馨香桂子散天涯。直入蟾宮步不差。果有嫦娥來作伴。青藜扶我闢雲霞。

悠然世外日瀟湘。洞口迷離訪妙香。直到天家尋故友。吹簫飲酒在當場。

桃源洞口景澄鮮。別有機關密祕傳。是孰閒遊來到此。黃芽覓得

卽神仙。

恒河兩岸任遨遊。獨駕輕帆一葉舟。滾滾風濤無恐怖。江心夜照月當頭。

爲人總貴早回頭。好向西江下釣鉤。浪擊龍門三萬里。清風明月滿鴻溝。

金丹原舊種泥砂。此寶孰知在孰家。暗把天機都洩露。祇園坐定早拈花。

嬌姿粉態體如酥。看作親娘慾自無。那怕身中藏寶劍。剛柔相濟詎凡夫。

仙花仙酒醉婆娑。只是當前隔奈河。但要大家齊著力。三華灌頂



笑呵呵。

酒因花勸勢難辭。花被酒迷情不支。花酒神仙今至古。醅醕倏爾醉如癡。

人身正可擬丹房。入到丹房煉太陽。運動周天三昧火。渾然巖谷日形忘。

若問如何接命方。須觀寶月現坤鄉。收回大腹丹元固。返本還源大藥王。

春回斗柄正陽生。一線金繩世罕明。靜待機關來復日。先天景象後天呈。

月出庚方誰得悟。上弦八日無容忽。須當猛勇振精神。認的真時

速進步。

廻文詩 七言八句  
計九首

砂團火候靜探求。洒洒蕭然自詠遊。花賞院前川賞月。竹連池外樹連樓。芽黃採去調烏兔。雪白揮來會女牛。霞洞卧披蓑戴笠。華繁歸也見根由。

通明道法大還丹。密訣精藏寶氣攢。風扇燁蒸陽畏燥。雪飄壇冷水虞寒。中和致貫成姻眷。位育叅修鎮合歡。融會默時真契好。蒙昏啟也破疑團。

玄關寶信寶生華。紫府穿兮好坐槎。天霽豔看飛白雪。雨新滋潤發黃芽。鳶魚著趣真觀竅。鹿鶴鳴春正賞花。川印月時叅語妙。詮



眞悟徹淨塵砂。

清心道法道功全。化入神時妙入玄。庚煉甲焉賓反主。虎調龍也倒而顛。情聯性貫源通脈。癸滅壬生汞養鉛。聲震雷風春夜半。精元保守抱胎仙。

眞經洞徹洞經玄。烈火炎時種異蓮。神氣合光離接坎。汞鉛勻象艮翻乾。賓居主位分南北。虎會龍宮易後前。津奧悟通明訣密。輪迴脫去釋蹄筌。

團迷破解會陽陰。臭乃癸焉香乃壬。攢氣五華光現頂。聚花三寶信通心。丹吞自豁開關竅。藥覓先明辨水金。繁涅度來歸覺化。蟠龍虎位易浮沈。

加功進力策當程。世俗渾忘淡擾營。花賞靜亭仙酒飲。月看閒院竹陰呈。蛇龜合處歸元洞。子母親時抱聖嬰。嘉興獲來詩入妙。華生筆下筆春生。

門迎碧草碧迎春。妙景觀時妙趣眞。村繞水鄉情入畫。月懸天際奧傳神。溫溫火候新團藥。隱隱機緣好度人。源達脈通靈氣貫。根基築得出囂塵。

清心道德妙中眞。默默參修煉自身。庚甲會來通奧旨。癸丁停處叩玄津。營謀渡彼超塵俗。苦惱消斯養氣神。名利卻時觀妙竅。情和性也主和賓。

迴文詩

七言四句  
計九首

修真秘訣詩類

卷上

醉仙亭

五



蓮栽火際火炎天。順逆分焉著倒顛。玄術妙傳仙訣授。禪心印月照澄泉。

鉛汞汞裏汞。烹鉛近則人行遠則天。船坐穩遊春水綠。淵深印月照空懸。

玄天洞景壯觀奇。浪湧風翻蕩水池。眠月卧雲霞晚照。仙留妙句妙留詩。

天懸寶字信潮江。小舫乘來鯉釣雙。玄徑闢開雲透月。前探道岸泊停艘。

神通道法道通身。奧旨真明默養真。津妙入來超俗世。新民得日得新春。

花開豔麗燦堆霞。淑氣迎人賞事嘉。華月對歌閒徑雅。娑婆醉後服袈裟。

春陽豔景好看花。秀水溪前映日華。身醉酒家仙作伴。新歌唱罷宴賓嘉。

盈盈笑語樂顛狂。遠入山時學牧羊。蠅吐飯成仙術幻。情鄉醉飲把杯觴。

芽滋土澤雨滴淋。採藥欣然自快心。車小坐騰雲路得。霞烟卧靠倚園林。

演道詩 五言八句 二首

滄海變桑田。疇能叩我仙。陰陽煎玉汞。水火煉金鉛。運用參三候。



剛柔辨八絃。功行盈宇宙。冲舉壽無邊。  
姮女離宮住。憑誰辨得清。南方煎玉蕊。北地煅金精。古佛從斯出。  
今仙自此生。金丹原一粒。入口到蓬瀛。

五言古 一首

到處樂優優。無教歲月遒。富貴任人謀。渾然不掛意。只要問真修。  
追尋龍虎事。敢逐世情勞。日把身心役。立願作功行。隨時留陰陽。  
果得老神仙。指點波羅密。何庸學僻幽。莫用宗孤寂。默裏乾坤移。  
冥中日月易。傳來戊己鄉。便是收藏地。認取這先天。分明路端的。  
煅煉坎離精。惟憑造化室。妙趣本非遙。曉得原咫尺。推倒愛恩堂。  
露出瓊漿液。牢鎖玉兔飛。倏忽金烏至。從斯滿口吞。受彼無窮益。

萬種一齊拋。他端渾不計。登天已有門。陰曹蔑死籍。混跡更忘形。  
定許瀛洲客。



修真祕訣詞序

嘗思陶寫性靈。唱和天籟者。其惟詩乎。雖然泥於對仗者爲詩。而不拘格局者爲詞。詞亦多爲情寫景。爲意寫志之事。茲吾

純陽帝君呂祖

所著修真祕訣一書。獨寫性命雙修之祕訣。陰陽並煅之真機。言言似玉。句句如珠。直與無根樹。悟真篇。共成一家。詳而參之。悉見精妙。細而考之。可驗淵深。非敢謂遽使儒林道士。頓覺開悟也。第披吟玩索。亦足令人。智慧漸長。心思畧明云耳。

後學弟子劉堉守一謹序於積善齋中



修真祕訣

純陽帝君呂祖著

詞

類計一百一十六首

西江月

十八首

大道非遙非近。明通便在當前。水中月影鏡中天。曉得原來本面。  
總要卑躬下氣。求師點破真鉛。磨光刮垢日鑽研。煉已色身剛健。

西江月

晦海紅潮混沌。旋時綠漲清激。西南坤地現金繩。捉住先天寶命。  
當前虎穴急入。隨後龍門快登。彈琴鼓瑟訪良朋。豈非人生大幸。

西江月

修真祕訣詞類

卷上

醉仙亭

一



嬰兒兩鄰走去。不知何日回頭。留心著意悟根由。還要黃婆善誘。姤女東家靜待。會和情性相投。安爐立鼎煉金球。自得玄珠入口。

西江月

是孰旋昇月窟。除非直啟天門。馨香桂子此間存。要爾謙心細問。掃去冥冥不見。收來寂寂無言。渾如飲酒醉沈昏。從茲孕震復艮。

西江月

方寸庵中祕煉。奚庸遠去拋家。參禪打坐訪天涯。細算終歸是假。惟愛金鉤掛起。無心富貴榮華。須從古洞折仙花。便見龜蛇混化。

西江月

至道明明在目。勸君仔細精詳。深通真陰與真陽。再覓先天景況。

丙叟調和土釜。黃婆勾引中央。金公木母值當場。此時休要輕放。

西江月

漫說心思穎悟。誰知內景蓬瀛。金丹四百悟澄清。方算如夢初醒。再值真師點化。陰符陽火分明。取得先天一點精。卽是歸根復命。

西江月

若欲萬年不朽。須知木母金公。惟期彼此兩相通。覓取鉛華制汞。從此脫胎換骨。再修世上陰功。抽添運用有無中。慮險防危要靜。

西江月

趁此常關死戶。從茲永啟生門。清風明月滿前邨。賞景觀花覓穩。捉取鉛光一點。團成藥物相吞。而今復命並歸根。抱養嬰兒敬懍。



西江月

但願元機深曉。須向仙翁細求。果值好景在當頭。引來龍虎相鬪。早已團成玉液。還宜煅煉金球。牛郎織女會中流。從此與天齊壽。

西江月

苦志修行力久。沈心煅煉功深。休教辜負這光陰。至道時時考論。默默玄關打破。落花流水知音。神仙點化水中金。何不晨昏證印。

西江月

勸爾凡夫俗子。急速改過行功。清虛妙旨早深通。頓覺黃梁一夢。望眼鮮花美酒。擡頭白月清風。天心來復此時中。須當爭強賭勝。

西江月

果要胸襟不擾。務期茅草都刪。雙修性命叩玄關。便許真人相見。休云孤身寂滅。漫道靜室清閒。當前猛勇上形山。取得寶貝回旋。

西江月

欲冀長生不老。惟期細問根由。塵緣俗事一齊勾。洞徹真空妙有。逐日形神恬淡。逢時性命雙修。但遇金蟾海內留。便得還丹立就。

西江月

不曉修仙妙道。緣何下手無差。鉛生癸盡耀金華。便是機關露發。半夜雷聲震動。須當直步仙槎。三還九返在他家。取坎填離妙法。

西江月

不曉身輕命重。渾忘認祖歸家。機緘巧詐步兒差。報復循環不怕。



身貧每思家富。祿厚又想官加。閻王叫到怎逃耶。來世爲牛變馬。

西江月

自有生成命定。何須巧用機關。傍門外道轉深灣。恰似藤蘿累蔓。總算身趨苦海。何如首向靈山。誠心敬禮叩佛顏。現出菩提聖面。

西江月

問我還丹妙術。期君用意深求。功名富貴看如浮。方好無中覓有。雪冒雲山望景。帆揚江月登樓。香風陣陣最清幽。取此延年益壽。

沁園春

金液大丹。要爾推求。細細思量。待晦海波清。春江浪靜。溫溫寶鼎。直透陽光。去臭留香。應有主杖。當前應物。總無無傷。鵲橋上。遇神仙。境界。雪白芽黃。兩般藥物。非常更有誰。先天景況。詳悟煉之。不見見之不燥。杳冥恍惚。便不荒唐。這段機關。原無別樣。下手速修。急了當瀛洲路。恃功圓願滿。脫去皮囊。

沁園春

要悟玄機。要悟玄機。別當難兮。切莫要遠望。更謾虛思。只得神水。直貫華池。功夫片餉。煅煉片時。捉出些箇紫金脂。十字街。有段神仙境。便是東梨。此一陽初動處。眞造化。萬物未生時。窺白雲生涯。黃菜世界。總屬陰陽。不外坎離。龍虎媾交。水火既濟。周天運用。無所遺。胞胎結。眞人未現出。還恃修持。

沁園春



要覓機緣。要覓機緣。莫當等閒。第坤牛乾馬。離龍坎虎。彼此合好。  
水火凝團。偃月爐中。硃砂鼎內。倏忽之間。了大還。四會宮。有一箇  
朋至。直透泥丸。土釜火慎溫寒。運動了。周天上下間。託付這心知。  
防危慮險。斷不至於雲散水乾。十月功圓。一年純熟。內丹煉就服  
外丹。永无咎。亢龍無有悔。利涉大川。

沁春園

妻財子祿。貪戀無休。日日牽纏。奈歲月無多。光陰有限。隨波而去。  
辜負青年。晝夜奔馳。不滿心願。誰肯回頭。俗態捐。紅塵世。乃茫茫  
大海。舉目無邊。迷徒輩計當前。又誰信。洞中別有天。西南新月出。  
陽光一線。這箇玄秘。妙在心傳。採入鼎爐。運火烹鍊。十月功夫丹  
始圓。修行事。到此堪稱羨。行滿昇仙。

水調歌頭

不曉玄關處。誰能妙竅觀。海潮信至。捉得他來煉作丹。只要龍虎  
團聚。漫令烏兔飛走。致火寒水乾。文武微微煖。烹煎詎等閒。當是  
時。穿九竅。過三關。重安爐鼎。便算藥就。又換壇。待是功完願滿。定  
自天書下降。接爾作仙官。免受人間苦。蟠桃聖宴餐。

水調歌頭

別有修丹術。無庸訪我仙。急急早早。冤家莫令爾身纏。這便是長  
生路。何勞餐霞服氣。仰首向青天。方寸須無擾。情枷愛鎖捐。世間  
人。休錯過。這機緣。身亡氣斷。追悔豈不在他年。只將龍虎拴住。輒



必姓名簿子。默毀在黃泉。妙道雖云遠。勘破見於前。

水調歌頭

謾道逍遙客。他便是神仙。隨隨便便。飢來喫飯。睡來眠。要曉築基煉己。要會全形。延術火候。運周天。顛倒乾坤說。此內卽真詮。宇宙人蒙昧者。快鑽研。若非會通。如何大地。結良緣。僅是泛泛空議。胸襟更有塵染。總屬弄虛懸。且到華池地。急早覓真傳。

水調歌頭

權高誇韓信。富厚說石崇。到得身死。只落箇虛譽浮名。嗟嘆那世間景。真乃是風中燭。阿誰奔仙程。莫因這榮祿。便去苦經營。你要明。今道破。莫疑生。煉丹功夫。大都不過坎離精。陰內緣何藏陽。打破便能知曉。卽是妙緒呈。無須遠處覓。虛無竅裏行。

四邊靜

先天氣深求。這箇端倪卽丹頭。始則擒玉兔。終焉捉金牛。造化歸吾手。何勞覓封侯。噫。這等大修持。黃泉姓豈留。

四邊靜

先天氣早覓。這箇方法無樣比。洞中雲雨作。壺內寶珍取。收入真人房。防危慮險矣。噫。這般巧機緣。凡夫誰會體。

四邊靜

先天氣急探。這箇景象窺無端。三華因是聚。五氣借他攢。洞中睡片餉。世上幾千年。噫。這箇奇際遇。俗子孰能研。



四邊靜

先天氣細悟。這箇機關非等數。左道本多多。庸庸無足錄。陰陽竅裏分。混沌池中住。噫。這樣大作爲。得了登仙簿。

鷓鴣天

虛無洞府少人投。只有元君裏面遊。金烏西風歸金島。玉兔東升到玉樓。情恰好。景連流。彈琴鼓瑟坐當頭。心同意合聯佳句。萬種塵囂看作浮。

鷓鴣天

渺象虛靈卻杳然。先天此外更無天。四面包羅皆是假。中央印證乃歸玄。觀妙法。悟真詮。其間隱密待師傳。總屬前生根底重。方能遇是巧機緣。

鷓鴣天

叩首瑤池密寶求。醉吟詩句倒騎牛。乾坤混沌真機隱。日月復明妙景留。登寶筏。步慈舟。一陣清風到岸頭。若非篙舵牢持把。焉能平穩上瀛洲。

鷓鴣天

春風和暖潤春江。誰釣金魚正一雙。旁邊唱的無聲曲。裏面和之少韻腔。尋道伴。上客艘。清晨薄暮寶鐘撞。此是桃源仙境到。更何雞犬亂相唳。

鷓鴣天

修真秘訣詞類

卷上

醉仙亭 七



對月觀花不俗常。輕帆一葉駕當陽。玉振傳音聞紫府。金聲寄韻入黃房。邀好友。飲瓊漿。洞庭波裏景洋汪。恰當八月中秋半。清風鼓盪桂花香。

五供養

大道一氣。雖然深遠。最要鑽研。爾當問。性地何爲汞。爾當問。心天怎是鉛。爾當問。活子時。真火候。兩兩精立。告學人。尋大藥。覓良緣。果然是得他來。那怕你不延年。

五供養

大道心法。匪遙匪近。取在當中。你須審。真藥與假藥。你須審。內功合外功。你須審。交感格。造化通。彼此遂衷。告學人。渡蒼海。駕飛鴻。果然是守得住。那怕你不凌空。

五供養

大道精妙。修內接外。誰悟誰求。只見那。避子絕妻客。又見那。絕粒卻穀傳。更有那。五字氣。八段錦。不曉丹頭。告學人。向香閨。訪根由。果然是知添抽。那怕那。粉骷髏。

五供養

大道玄密。金丹直指。要思要量。說甚麼。運氣朝頂上。說甚麼。閉目想中黃。說甚麼。朝餐霞。夕服氣。便是法航。告學人。結草菴。入花房。果然是明顛倒。那怕你。合陰陽。

夢江南



金丹訣。白雪合黃芽。外此推求便覺差。團成兩物入君家。急刻步天槎。

夢江南

苦海人。要煉氣精神。三五團成迴不倫。乾坤覆載慶長春。趁此度迷津。

夢江南

採藥者。不必覓東鄰。指示當前休誤認。產在坤方坤是人。須要辨假真。

夢江南

修道客。急早訪真如。兩氣初弦宜採取。回歸之藥在當途。免教神

氣枯。

漁父詞

學道果從何處修。金爐玉鼎辨剛柔。休守靜。要探幽。只在神明裏面求。

漁父詞

復命歸根要細探。須登虎穴與龍潭。遊坎北。到離南。腹吞一粒紫金丹。

漁父詞

返本還源女轉童。奇蓮朵朵放花紅。收入鼎。煅煉功。換骨脫胎頃刻中。



漁父詞

得了杳冥一點真。乾坤造化付吾身。鼎內煉。氣精神。能渡凡夫出苦津。

漁父詞

閉目凝神煉汞鉛。浪湧風翻莫變遷。元珠現。在當前。收得回來卽是仙。

漁父詞

無生老母坐蓮台。普渡羣生萬萬來。施靈藥。濟法財。凡夫立得變仙才。

漁父詞

但要三五土釜歸。陰陽結姤透光輝。只如此。卽依皈。進退功夫莫少違。

漁父詞

會合應知丙叟調。坎男離女兩相交。歸感處。倍差嬌。且把陰陽默鑄陶。

漁父詞

沐浴無須烈火烹。微微溫養在當程。勤洗滌。見分明。卯酉門中認的清。

漁父詞

兩候惟期兩藥通。金鉛木汞默相融。龜下舞。蛇上攻。露出玄丹始修真祕訣詞類

卷上

醉仙亭 十



罷功。

漁父詞

九九功夫陰轉陽。迴光返照見中黃。這道理。入丹房。瞬息飛昇達上蒼。

漁父詞

人爲物類我爲人。醉死夢中積苦因。急醒悟。早煉真。休教滄海永沈淪。

漁父詞

不去家鄉不入山。瀟湘醉叩玄都關。唱美曲。了大還。風花雪月意何閒。

漁父詞

淡泊情腸五內空。諸般色象盡消融。遊月府。卧花叢。靜對嫦娥飲一盅。

水龍吟

分明指點元關路。俗子凡夫莫悟。孽根深深。才學碌碌。神仙難度。縱有聰明者。只妄想。形留世住。更誰何。虎穴挺身直入。搏金烏。擒玉兔。此際一塵不染。三寶團來。歸土釜。當前會得先天一氣。杳冥恍惚。這箇長生術。怎容易。通徹幽獨。知瀛洲。早啓玄真門戶。離凡區。遊靈谷。

滿庭芳

修真祕訣詞類

卷上

醉仙亭 十一



天地爲廬。日月爲戶。情莫際。景無涯。水中撈月。心地便開花。須是用心採取。這元珠。現在他家。些兒密。坎離顛倒。玩賞紫金葩。九宮合八卦。打通火候。寒冷有差。問先天景况。白雪黃芽。不著紅塵絲縷。恍惚裏頂聚三華。陰陽竅。一點原本。歸返造化加。

滿庭芳

至理精玄。修真有訣。輕浮莫令聽聞。先天道德。金液玉液。研會悟抽添法則。要曉這乾坤倒顛。看密地。須探得那。龍虎兩初弦。西方誠拜禱。二氣成佛。交結凝堅。運用調魂魄。制汞需鉛。動靜無非。至樂不然。湊合屬那緣。詳參酌。丹砂早就。陸地作神仙。

一翦梅

打破玄關。這端倪。富也莫提。貴也莫提。身滌神水。入華池。貪也全遺。愛也全遺。片餉功夫。交媾時。浮事早離。浮塵早離。金丹煉就要護持。幻景不知。幻境不知。

一翦梅

青山難教白雲留。名也歸浮。利也歸浮。誰能身向道中求。性也要修。命也要修。幾日青春卽白頭。事也莫謀。業也莫謀。拋卻紅塵卽瀛洲。心也覺幽。境也覺幽。

山坡羊

大道昭昭在目。只是無人得知。曲說異端。妙旨都教昧。迷習履。罡步斗奇。持竹杆。當雲梯。學些法術。終歸無所益。宜辜負了光陰也。修真祕訣詞類



這端倪誰得窺。會之。不遇真師總算疑。念茲。謾信盲師亂提撕。

### 山坡羊

苦苦原不知苦。難難卻不慮難。打起精神直登那方寸山。嘆零丁。誰作伴。耐飢寒。莫遂願。生身父母阻隔在天涯遠。確憑著丙叟也。調和在中黃院。一旦嬰兒姪女重相見。罷戰功完早赴瓊林宴。

### 念奴嬌

金液還丹何處耶。混沌虛空擬議。是處凡夫難到地。半夜子時信。寄片餉功夫。一點消息全在杳冥際。但要前途去。採取先天真液。華池未易明通。乃神仙端倪秘。那得人偷覷。此地道人方能窺。悟會真機妙趣。陰陽相交。水火既濟。這箇渾如許。問他景象何。默歌

當前無語

### 阮郎歸

先天景况難摹圖。算定是真如。沒有名姓卻聽呼。風雨在吾廬。曲江上月庚初起。緊去釣魚。捉得金鯉興不孤。問人沽酒無。

### 木蘭花

晴有鴻福。風清月白窺元主。引誘歸家。修行供養日無差。四時好景。身卧花叢。夜半醒。妙趣元機。嗟嘆愚人總不知。

### 菊花新

嘆金魚玉鴈。誰曉這端倪。一去後。不見了。此消息。須契訪。太虛景。奚以常密。雲山萬里些兒法。隱隱烟霞裏。向閒時。扯風砌月烹天



地。曾幾何時。煉丹砂。無渣滓。歸仙去。詔下丹書便至。

### 卜算子

意念總歸空。心田恒久靜。渣滓消除寂寞中。別有非常景。朝夕苦行功。斯須如夢省。火裏栽蓮果得融。乘時大作用。

### 行香子

獨卧雲烟。不愛銀錢。笑世人。名利牽纏。壟斷高處。眼眼照穿。誰復計憶。清風夜明月。天興來。飲酒且把琴彈。共山麋野鹿同眠。變動不拘。羶鎖早捐。是逍遙人。閒散漢。地行仙。

### 洞天春

洞天春日景煌輝。入定參禪萬事揮。海底青蛇繞天心。白兔飛乾坤顛倒。宗仙範。日月交通進道圖。以性引情歸。誰知是是復非非。

### 洞天春

洞天春日景光明。良地喪朋坤地迎。半夜天開子。中宵月露庚。觀花早晚關門死。飲酒晨昏路啓生。卦象見蓬瀛。急早回頭訪玉清。

### 洞天春

洞天春日景微芒。鉛生癸滅正當陽。舉手擒烏兔。當頭引鳳凰。桃源路上鮮花豔。王母宮前綠水香。正好得尋芳。採去歸來入口嘗。

### 洞天春

洞天春日景英華。道人獨坐五雲車。藥採黃庭院。丹還白屋家。硃砂鼎裏調龍虎。偃月爐中煉龜蛇。隨時火候加團成。一粒紫金砂。修真祕訣詞類



元關竅

元關竅裏景奇新。過去春光不再春。早覓法中法。須尋身外身。赤  
蛇紅孩分左右。青龍白虎定主賓。混化陰陽舍。直登道岸出迷津。

元關竅

元關竅裏景芬芳。這箇時光要細量。東家原本女。西舍乃金郎。全  
憑媒娉頻勾引。配作夫妻入洞房。保守在中央。產箇嬰兒駕鳳凰。

元關竅

元關竅裏景澄鮮。曉得些兒便入玄。金公配木母。本是好姻緣。丙  
叟調和歸土釜。黃婆說合在中天。學者細鑽研。從斯便成大羅仙。

元關竅

元關竅裏景溫和。青春趁此斬藤蘿。須覓黃芽地。早尋白雲窩。順  
則爲人歸凡道。逆則成仙上大羅。相差本無多。認不真時便覺訛。

大金丹

大金丹。最空玄。迷者隔千里。通者在目前。只要覓得好姻緣。耕芳  
草地。值杏花天。青牛直跨到祇園。結侶伴。講薪傳。黃婆說合在華  
泉。不染一塵便是仙。

大金丹

大金丹。本虛靈。觀來原恍惚。認去總杳冥。春光洩露吐真經。不聞  
不見。無象無形。同人聚首講黃庭。採妙藥。入寶瓶。三三五五火純  
青。爐鼎功夫自此停。



大金丹

大金丹。最精深。彈琴逢好友。鼓瑟遇知音。彼此相交共一心。龍飛鳳舞。鴈落魚沈。賞月觀花意味尋。來蓮舍。到香林。全憑奮迅退羣陰。這點端倪值億金。

大金丹

大金丹。本虛無。從斯塞死戶。自是覓生途。月魄三朝見復蘇。神莫使耗氣。莫使枯。伸手直摹太極圖。須要用。密功夫。直探先天黍米珠。陰裏返陽見真吾。

採藥材

採藥材。要小心。誠清晨觀綠漲。黑夜坐輕帆。海超苦塵脫凡。天地初

闢飛白練。鴻濛乍啓長丹巖。致志凝神結好友。同步上華嚴。

採藥材

採藥材。尋何處。元亨洞裏探。混沌池邊入。實杳冥。真恍惚。日月交通造化生。陰陽復姤機緘露。從斯直進這玄都。便是長生路。

採藥材

採藥材。舊江南。悶觀風月窟。閒入虎龍潭。逢好景。煉大丹。隨時唱飲紅桃洞。到處遨遊紫竹菴。信能火候卻寒乾。直步上雲端。

採藥材

採藥材。費思尋。抬頭看月窟。舉目見天心。洞探古。山入深。睡去峯尖雄虎嘯。醒來海底化龍吟。果是先天真景况。要聽太古音。



暢道詞

這箇道對面陳。在苦海。覓真人。天賜奇緣結好侶。卽斯便是妙緣姻。修性命。煥氣神。莫待花甲。致負芳辰。果能悟得清虛旨。急登彼岸脫迷津。

暢道詞

這箇道。辨分毫。休世避。莫人逃。倘要纖絲認的錯。他年怎免泣陶號。昇天路。觀月稍。風情泊淡。景象高超。幸有良朋來作伴。花明柳媚任遊遨。

暢道詞

這箇道。是仙道。賞仙花。煉仙藥。憑人擾擾惹塵囂。我在傍邊拍手笑。醉沈醺。樂顛倒。海底龍吟。山頭虎嘯。動中靜裏兩交鋒。正好修真觀妙竅。

暢道詞

這箇道。本精微。戴月去。採花歸。收藏鼎內三三煉。莫使爐中火候飛。塞地戶。啓天扉。如來滅度。佛法依皈。從此逃出輪廻外。萬事牽纏一筆揮。

勸道詞

學道者。要詳求。苦海原有渡人舟。莫許匪徒妄意謀。須要你明得。這仙家法語。曉得這佛祖丹頭。騎老鶴。駕神牛。嬰兒姘女會中流。交成好友。結作同儔。豈不訂了真婚媾。



勸道詞

學道者。要細詳。陰中原自有真陽。時逢好景放毫光。須要你明得。這上天神梯。曉得這渡世慈航。別進退。辨柔剛。婆婆樹下煉元霜。自有主宰。那怕魔王。豈不完了前生賬。

勸道詞

學道者。要深思。會得先天造化基。太極無象面前期。須要你明的。這顛倒乾坤。曉的這取填坎離。出孽海上瑤池。混元密寶煅精奇。內把丹守。外把功施。豈不了卻紅塵事。

勸道詞

學道者。要精研。虛無竅裏有真鉛。不許凡夫到此前。須要你明的。這藥物老嫩。曉的這火候後先。顛而倒。倒而顛。陰陽二氣結成團。也能作佛。也能作仙。豈不遂了平生願。

問道詞

勸學人。問天家。問得天家路不差。飲仙酒。戴仙花。春園艷麗景堪嘉。認的真時用得正。進退功夫按步加。投汞火。撒鉛華。飄然世外上雲槎。

問道詞

勸學人。問天心。問得天心值萬金。結密侶。覓知音。閒來無事鼓瑟琴。花如好友通頭會。酒作良朋對面斟。悅神志。暢懷襟。萬劫輪迴永不侵。



問道詞

勸學人問雲窩。問得雲窩好景多。下海底。上山坡。降龍伏虎妙堪歌。勾引嬰姪稱好合。調停金木會婆娑。邀法雨。潤靈柯。春日。和風養太和。

問道詞

勸學人問丹頭。問得丹頭好煉修。擒玉兔。跨金牛。恰似君子遂好逑。覓此混元真一氣。保守操持肯暫休。天門啓。地籍勾。丹書一降步瀛洲。

學道詞

勸學人急求藥。若不求藥。一生空老耄。歲月幾何。倏忽輪迴到。試

思仙三丰。六十猶採藥。這箇藥何處有。他年陷入峽山口。從此兒提著花籃。要上靈山走一走。延壽神丹。長生壽酒。捉他時。恃妙手。

學道詞

勸學人急拜佛。若不拜佛。畢世徒勞作。塵事茫茫。轉眼韶華過。試思這情形。俗景何所樂。拜活佛。在心天。別有桃源景色鮮。從此兒莫要退卻。那怕妖魔萬萬千。趁此趁此。結緣結緣。奮志氣。直向前。

學道詞

勸學人急尋師。若不尋師。大法總難知。浮閭世上。那裏有仙芝。試思這景象。茫茫何所之。早尋師。在方外。求他救你超苦海。從此兒煉己築基。永卻功名富貴態。佛火雲龕。蓮花寶界。到斯境。真樂快。



學道詞

勸學人。莫使情。一旦使情。不覺無明動。較勝爭強。何以修寶命。試思佛如來。忍辱卽煉性。這箇性。能保住。許爾光陰無或負。從此兒。再煉還丹。豈非神仙真道路。詳參詳參。莫忽莫忽。打精神。雲洞入。

勉學詞

告學人。早洞鑒。萬種牽纏。須打斷。拋卻紅塵。自有先天現。鸞騰鳳舞。無非化物機。魚躍鸞飛。實屬本來面。碧霞宮。黃庭院。擒來龍虎。兩相戰。結成團。打成片。直把周身九竅貫。九竅貫。方遂願。羽化飛昇。成仙漢。

勉學詞

告學人。早洞曉。須思交梨與火棗。欲要折他。曾在仙人島。雲封洞口。俗士本難尋。霧障天心。眞人方可找。這玄機。實在好。日日拿他。當活寶。著意求。虔心禱。得了他來塵事了。塵事了。無煩惱。永卻老。閻將命討。

勉學詞

告學人。早煉性。煉性十年再接命。荆棘早刪。漫把機緘弄。靜守心身。由賢而入聖。手段高强。直造魔王境。兩相逢。無搖動。捉取眞精。出口洞。須要你。加慎重。朝朝暮暮永持敬。永持敬。良堪幸。功圓立刻。天詔奉。

勉學詞



告學人。早知道。傍門演術。瞎胡鬧。曲徑彌漫。渾如下地窖。俗子凡夫。緣何向裏跳。昏昏迷迷。妄想開天籙。溺深阮。真可笑。勸爾醒醒。速退套。你看他。這邪教。後日難逃。禍事到。禍事到。出小票。衙門立刻將爾叫。

道情詞

大道本無涯。塞地戶。上天槎。休云隔膜真堪訝。近在爾室。遠在他家。兩兩調和原洽浹。默默心中操造化。晝夜護交加。

道情詞

大道本無窮。將世景。要看空。時時團煉真靈性。內也圓通。外也圓通。可幸而今得接命。到斯靜待功完滿。脫化上天宮。

悟道歌

學至道。出迷津。當看破。此沈淪。絕人逃世。及早尋嘉賓。富貴花叢卧。芳鄰結作。這點機關最真。收入元陽洞。先天第一春。龜蛇盤繞兩邊陳。陰符陽火煅。金公木母循。十月胎圓日。專專一一功成。卽脫紅塵。

悟道歌

學至道。悟真詮。須猛勇。急鑽研。發憤忘食。時時會妙玄。忽覺神明朗。通微徹隱。菩提三藐路前。家裏敦倫首。身中養性先。侶伴惟期結奇緣。果爾根基築。方能命術延。火候原精細。剛柔進退。參透乃曉深淵。



修道歌

大道本非遙。嗟嘆凡夫向外瞧。日在傍門鬧。苦把精神耗。哎。倏忽容顏焦。須要你。俗態全消。求師傅妙訣。引鳳吹玉簫。醍醐美酒飲三瓢。至此方知。神仙道即超。

修道歌

大道在當場。休談那金馬玉堂。迎頭雖溫煖。轉眼又寒涼。哎。富貴總難長。須要你。夢醒黃梁。堅心離俗垢。苦志整綱常。塵緣脫去即仙鄉。到此方知。世外有丹方。

勸學歌

勸學者。聽我言。心關塞。卦啓屯。桃花三月傳春信。迷向祇園尋好

友。街頭十字大開門。果取先天真寶印。面壁功夫完九載。凡軀脫去到仙邨。

勸學歌

勸學者。聽我講。戒邪思。懲妄想。留神仔細日隄防。直懇仙翁給一方。便卻非災兼雜恙。從斯壽命慶無疆。再挽賊子暗偷香。不啻身中得柱杖。

眼賊歌

可恨兩個眼。引入入害不淺。你看他。見色神便迷。你看他。見財意即變。你看他。見豪華顧瞻。你看他。見險阻兢戰。只因是。精神擾紛。腳根移轉。身體兒。被他碌勞。心思兒。被他滅翦。噫。兩箇眼。營營。豈



不令人陷圯坎。

耳賊歌

可恨兩箇耳。引人致傷不已。你看他。聞言神便聽。你看他。聞聲意輒起。你看他。聞誇獎歡情。你看他。聞毀謗切齒。更有那。絲竹管絃。淫歌豔曲。身體兒。被他遷移。心思兒。被他主使。噫。兩箇耳。迎迎。豈不令人枯骨髓。

鼻賊歌

可恨兩孔鼻。引人受累不一。你看他。聞香便前去。你看他。聞臭輒後避。你看他。有味區穢馨。你看他。無故別層次。因此上。意神亂昏。志趣更易。身體兒。被他動搖。心思兒。被他取棄。噫。兩孔鼻。紫紫。豈

不令人敗行止。

舌賊歌

可恨三寸舌。引人招禍不輟。你看他。起齒論短長。你看他。起齒講巧拙。你看他。是非原是生。你看他。疾病自斯坐。更有那。萬種患滋。千般惡作。身體兒。被他害傷。心思兒。被他蠱惑。噫。三寸舌。勞勞。豈不令人累冤孽。

身賊歌

可恨這箇身。引人直入迷津。你看他。飢來思飲食。你看他。寒來想衣襟。你看他。朝夕無停履。你看他。晝夜苦勞神。實在是以悲爲樂。以假當真。身體兒。被他疲敝。心思兒。被他瀾淪。噫。這箇身。碌碌。豈



不令人墮囂塵。

意賊歌

可恨這箇意。引人妄自生事。你看他。七情刻刻纏。你看他。六慾時時累。你看他。忽然憶顯榮。你看他。轉焉圖嬌媚。真乃是。似顛似狂。如癡如醉。身體兒被他使傷。心思兒被他用碎。噫。這箇意。迷迷。豈不令人滋疣贅。



